



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1845**

LXXXIV. Ritter Heinrich von Rochow legt dem Pfarrer Johann Crul zu Niendorf und dem Kämmerer Johann Crul zu Stendal Hebungen aus der sogenannten Rochowschen Hufe zu Niendorf bei, i. J. 1314.

---

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

ibidem necnon Slotheko nostre prothonotarius Curie, cum aliis pluribus fide dignis. Datum Sandov, per manum Hermanni de Luchove nostri Clerici. Anno Domini M<sup>o</sup>. CCC<sup>o</sup>. XIII<sup>o</sup> In Craftino beati Johannis baptiste.

**LXXXIII.** Der Dechant Heinrich vergleicht Uneinigkeiten zwischen den Domherrn und den Vicarien zu Stendal, am 30. Septbr. 1314.

Henricus, dei gratia Stendaliensis Ecclesie decanus —. Quia canonici Ecclesie nostre Stendaliensis super quadam dissensione, ex errore quodam probabili Suborta inter eos ex vna et omnes vicarios Ejusdem Ecclesie parte ex altera, in nos tamquam in arbitrum vna cum predictis vicariis compromissum libere inierunt, penam Stipulationis sentencie nostre arbitrande nostro arbitrio relinquentes, Nos igitur hujusmodi arbitrii onus in nos suscipientes, Visis, auditis, intellectis nichilominus et examinatis vtrarumque partium positionibus et juribus, deliberatione habita diligenti, pro bono pacis et concordie et vigore compromissi ordinamus, arbitramur, diffinimus, dicimus atque precipimus, Quod predicti canonici prenomatis vicariis in festo walburgis XXV solidos et in festo beati martini totidem annis singulis erogabunt, prescriptorum vero denariorum quinque Solidi a Scolastico nostro et talentum a cellerario, qui pro tempore fuerint, restabunt prelibatis terminis absque prorogamine quolibet expendenda. Modus autem distributionis sepe dictorum denariorum erit, vt solum debent illis, qui venerint ad memorias illorum fidelium, quorum deuotione prescripti denarii estimantur legati, per distributiones diuidi personales, hunc quidem aduentum Sic ducentes specificandum, vt qui post epistolam ad missam et post tertiam lectionem ad vigilias venerint, a perceptione sue portionis Sint penitus alieni, Sed hec porcio vicariorum sequestro applicabitur pro vtilitate camere in reparationibus et aliis communibus vsibus referuanda. Preterea adicimus, vt sepe dicti canonici dictis vicariis mero fauore et liberalitate ad reformationem camere sue dabunt quinque talenta non redditualiter sed in summa et pecunia numerata. Hec quidem sentencionando pronunciamus saluo nobis arbitrio et potestate declarandi, Interpretando corrigendi super predictis et quolibet predictorum, vbicumque et quando visum fuerit expedire, Si contra sententiam arbitrationis hanc fuerit aliquomodo attemptatum. Facta est hec arbitratio in presentia omnium canonicorum et vicariorum emologantium et approbantium per singula sententiam per nos arbitratam per plenam consensus ratihabitionem misso contradictionis obstaculo interiecto —. — Datum Stendal, anno domini M<sup>o</sup>. CCC<sup>o</sup>. XIII<sup>o</sup>. In craftino Michahelis Archangeli.

**LXXXIV.** Ritter Heinrich von Rochow legt dem Pfarrer Johann Crul zu Nyendorf und dem Rämmerer Johann Crul zu Stendal Hebungen aus der sogenannten Rochowschen Hufe zu Nyendorf bei, i. J. 1314.

Universis Cristi fidelibus, presentia visuris seu auditoris Henricus miles, dictus de Rochowe, salutem in domino sempiternam. Recognoscimus tenore presentium publice protestantes, Quod honorabilibus viris domino Johanni Crul plebano in Nyendorp ac patrueli suo Johanni Crul camerario, Canonico in Stendal, alterum dimidium Chorum auene et quatuor modios tritici in villa

predicta sitos, contulimus pro tempore vite utriusque redditualiter possidendos, Cuius avene XXXIII modii sunt in manso, qui dicitur mansus illorum de Rochowe et tres modii in manso dotis. Item predicti quatuor modii tritici siti sunt in predicto manso scilicet illorum de Rochowe. De quibus bonis predictos Clericos ex parte nostri, heredum nichilominus et proheredum per ratihabitionem congruam volumus sufficienter coram quibuslibet warandare. Pro quorum recognitione sigillum nostrum duximus presentibus apponendum. Testes huius collationis sunt honorabiles viri Egelbertus Castel Rodolphus de Bismarc, Henricus Scepelliz scriptor monetarii, Johannes Crempcowe junior et alii quam plures fide digni, Quibus fides noscitur non inmerito impendenda. Datum . . . . \*) anno domini millesimo CCC. quarto decimo.

**LXXXV.** Markgraf Woldemar vereignet dem St. Thomasaltare der Kapelle bei der Domkirche in Stendal Getreidehebungen in Dornstedt, am 1. März 1315.

Nouerint vniuersi, ad quos latum fuerit presens scriptum, Quod nos woldemarus, dei gracia Brandenburgensis et Lufacie Marchio, propter deum et ob salutem animarum nostre nostrorumque progenitorum et Successorum, dedimus et per presentes litteras damus libera mente proprietatem dimidii chori siliginis et dimidii chori ordei in villa Dornstede iacencium Altari beati Thome, sito in Capella apud beatum Nycholaum in Steindal. Et ne huiusmodi nostrum factum contingat ab aliquo in posterum irritari, nostro sigillo muniri iussimus presens scriptum, perpetuis temporibus duraturum. Testes autem ad hoc vocati sunt Slotheko prepositus Dyminensis, Bartholdus Schenke, Redeko de Redere, nostre Curie marscalcus, cum aliis pluribus fide dignis. Actum et datum Tangermunde. Anno domini M. Trecentesimo XV. Sabbato ante dominicam letare proximo.

**LXXXVI.** Markgraf Woldemar vereignet den Domherrn der Hebung von zehn Schillingen von einem Hofe zu Buchholz, am 28. März 1316.

In nomine Domini amen. -- Nos Woldemarus, dei gracia Brandenburgensis, Lufacie marchio, presencium forma recognoscimus litterarum, Quod cum Ecclesia sancti Nicolai in Stendal eiusque canonici comparauerint in proprietate sua et villa Buccholte Redditus Decem solidorum dimidii chori ordei et dimidii chori siliginis situatos super curia Reyneri, cuius in eadem villa, Eorundem Redditum proprietatem donamus et concedimus, Abrenunciantes omni iuri, quod in eisdem bonis habere et habuisse dinoscimur, dantes supremum jus eiusdem curie et bona predicta cum pleno jure canonicis ecclesie antedictae possidenda et habenda, iusto proprietatis titulo cursibus temporum sempiternis. In cuius rei testimonium Auctorizatum cum nostro sigillo euidenter dedimus presens scriptum Sub testimonio bartholdi schenken, Gherekini de kercow militum et Domini Segeri prepositi Ecclesie eiusdem nostri capellani. Datum Tangermundis Anno Domini Millesimo Trecentesimo Sextodecimo, Dominica Quadragesime Judica, per manus Domini Euerhardi nostri prothonotarii.

\*) Der Ort der Ausstellung ist im Originale nicht angegeben, sondern Platz zur Angabe desselben gelassen.